

請觀世音菩薩消伏毒害陀羅尼呪經

百七十
過十

48481



光緒九年丙子二月日重脩

皇圖 聖澤 帝 漸 緞 昌

佛 日 增 輝 轉 輪 常 轉

山 州 天 安 寺 法 金 剛 院 置

法 師 印



請觀世音菩薩消伏毒害陀羅尼呪

東晉天竺居士竺難提譯

如是我聞一時佛住毗舍離菴羅樹園大材
精舍重閣講堂與千二百五十比丘皆是阿
羅漢諸漏已盡不受後有如鍊真金身心澄
靜六通無礙其名曰大智舍利弗摩訶目犍
連摩訶迦葉摩訶迦旃延須菩提阿菟樓駄
劫賓那憍梵波提畢陵伽婆蹉薄拘羅難陀
阿難陀羅睺羅如是等衆所知識常為天龍
八部所敬復有菩薩摩訶薩二萬人俱大智
本行皆悉成就調伏諸根滿足六度具佛威
儀心大如海其名曰文殊師利童子寶月童

子月光童子寶積童子日藏童子跋陀婆羅
菩薩與其同類十六人俱彌勒菩薩如是等
菩薩摩訶薩二萬人。爾時世尊與四衆天龍
八部人非人等恭敬圍遶時毗舍離國一切
人民遇大惡病一者眼赤如血二者兩耳出
膿三者鼻中流血四者舌噤無聲五者所食
之物化爲麤澀六識閉塞猶如醉人有五夜
又名訖拏迦邏面黑如墨而有五眼狗牙上
出吸人精氣時毗舍離大城之中有一長者
名曰月蓋與其同類五百長者俱詣佛所到
佛所已頭面作禮却住一面白佛言世尊此
國人民遇大惡病良醫耆婆盡其道術所不

能救唯願天尊慈愍一切救濟病苦今得無
患尔時世尊告長者言去此不遠正立西方
有佛世尊名無量壽彼有菩薩名觀世音及
大勢至恒以大悲憐愍一切救濟苦厄汝今
應當五體投地向彼作禮燒香散華繫念數
息令心不散經十念頃為衆生故當請彼佛
及二菩薩說是語時於佛光中得見西方無
量壽佛并二菩薩如來神力佛及菩薩俱到
此國往毗舍離住城門閻佛二菩薩與諸大
衆放大光明照毗舍離皆作金色尔時毗舍
離人即具楊枝淨水授與觀世音菩薩大悲
觀世音憐愍救護一切衆生故而說呪曰普

教一切衆生而作是言汝等今者應當一心
稱南無佛南無法南無僧南無觀世音菩薩
摩訶薩大悲大名稱救護苦厄者如此三稱
三寶三稱觀世音菩薩名燒衆名香五體投
地向於西方一心一意今氣息定為勉苦厄
請觀世音合十拍掌而說偈言

願救我苦厄 大悲覆一切 普放淨光明
滅除癡暗冥 為勉殺害苦 煩惱及衆病
必來至我所 施我大安樂 我今稽首禮
聞名救厄者 我今自歸依 世間慈悲父
唯願必定來 勉我三毒苦 施我今世樂
及與大涅槃

白佛言世尊如是神呪畢定吉祥乃是過去
現在未來十方諸佛大慈大悲陀羅尼印聞
此呪者衆苦永盡常得安樂遠離八難得念
佛定現前見佛我今當說十方諸佛救護衆

生神呪

多哪咤嗚呼賦

摸呼賦

鬪婆賦

耽婆

賦 安荼訶

般荼訶

首埤帝

般般荼

荼囉囉婆私賦多姪咤

伊犁

寐梨

鞞

首梨迦波梨

佉鞞端耆旃陀梨

摩蹉耆

勒义勒义薩婆薩埵

薩婆婆哪呬 唵訶多

荼咤 伽帝伽帝賦伽帝

修留毗 修留毗

勒义勒义 薩婆婆哪呬

唵訶

白佛言世尊如此神呪乃是十方三世無量
諸佛之所宣說誦持此呪者常為諸佛諸大
菩薩之所護持勉離怖畏刀杖毒害及與疾
病今得無患說是語時毗舍離人平復如本
尔時世尊憐愍衆生覆護一切重請觀世音
菩薩說消伏毒害呪尔時觀世音菩薩大悲
熏心承佛神力而說破惡業障消伏毒害陀
羅尼呪

南無佛陀

南無達磨

南無僧伽

南無

觀世音

菩提薩埵

摩訶薩埵

大慈大

悲

唯願愍我

救護苦惱

亦救一切

怖畏衆生

今得大護

多姪咄

隨呼賦

摸呼賦 闍婆賦 耽婆賦 阿婆熙虛 祿

摸呼脂 分荼梨 般荼梨 輸鞞帝 般

荼囉 婆私賦 休休樓樓 分荼梨 兜

兜樓樓 般荼梨 周周樓樓 賦般荼梨

豆豆富富 般荼囉 婆私賦 矧墀殞 資

跡墀乃 軼賦跡墀 薩婆阿婆耶羯多薩婆

恒婆娑陁伽阿婆耶卑離陁閉殿紫呵

一切怖畏一切毒害一切惡鬼虎狼師子聞

此呪時口即閉塞不能為害破梵行人作十

惡業聞此呪時蕩除糞穢還得清淨設有業

障濁惡不善稱觀世音菩薩誦持此呪即破

業障現前見佛佛告阿難若有四部弟子受

持觀世音菩薩名誦念消伏毒害隨羅星行
此呪者身常無患心亦無病設使大火從四面
來焚燒已身誦持此呪故龍王降雨即得解脫
設火焚身節節疼痛一心稱觀世音菩薩名
号三誦此呪即得除愈設復穀貴飢饉王難
惡獸盜賊迷於道路牢獄繫閉杻械枷鎖被
五繫縛入於大海黑風迴波水色之山夜叉
羅刹之難毒藥刀劍臨當刑戮過去業緣現
造眾惡以是因緣受一切苦極大怖畏應當
一心稱觀世音菩薩名号并誦此呪一遍至
七遍消伏毒害惡業惡行不善惡聚如火燒
薪永盡無餘以是因緣誦此觀世音菩薩所

說神呪名施一切衆生甘露妙藥得無病畏
不橫死畏不被繫縛畏貪欲瞋恚愚癡三毒
等畏是故娑婆世界皆号觀世音菩薩爲施
無畏者此陀羅尼灌頂章句無上梵行畢定
吉祥大功德海衆生聞者獲大安樂應當暗
誦若欲誦之應當持齋不飲酒不噉肉以灰
塗身澡浴清淨不食興渠五辛能薰悉不食
之婦女穢汙皆悉不徃常念十方佛及七佛
世尊一心稱觀世音菩薩誦持此呪現身得
見觀世音菩薩一切善願皆得成就後生佛
前長與苦別佛告阿難王舍大城有一女人
惡鬼所持名旃陀利彼鬼晝夜作丈夫形來

媯此女鬼精者身生五百鬼子汝憶是事不
我於尔時教此女人稱觀世音菩薩善心相
續入善境界阿難當知如此菩薩威神之力
惡鬼消伏得見我身無比色像我於尔時一
一毛孔出寶蓮華無數化佛異口同音稱讚
大悲施無畏者令女受持讀誦通利此呪功
德三障永盡勉三界獄火不受衆苦四百四
病一時不起設有衆生入陣鬪戰臨當被害
誦念此呪稱於大悲觀世音菩薩名如鷹隼
飛即得解脫若有衆生受大苦惱閉在囹圄
杻械枷鎖及諸刑罰一日乃至十日一月乃
至五月應當淨心係念一處稱觀世音菩薩

歸依三寶三稱我名誦大吉祥六字章句救

苦神呪

多姪咤

安陀罽

般荼罽

枳由罽

檀陀罽

羶陀罽

底耶婆陀

耶賒婆陀

頗羅賦祇

毗質雌

難多罽

娑伽罽

阿盧祢

薄鳩罽

莫鳩隸

兜毗隸沙訶

今時世尊說是神呪已告阿難言若善男子

善女人四部弟子得聞觀世音菩薩名号并

受持讀誦六字章句若行曠野迷失道徑誦

此呪故觀世音菩薩大悲熏心化為人像示

其道路令得安隱若當飢渴化作泉井果菰

飲食令得飽滿設復有人遇大禍對云失國

土婁子財產與怨憎會稱觀世音菩薩名号
誦念此呪數息係念無分散意經七七日時
大悲者化為天像及作大力鬼神王像接還
本土令得安樂若復有人入海採寶空山曠
野逢值虎狼師子毒虫蝮蝎夜叉羅刹拘槃
荼及諸惡鬼噉精氣者三稱觀世音菩薩名
号及誦此呪即得解脫若有婦人生產難者臨
當命終三稱觀世音菩薩名号并誦此呪即得
解脫遇大惡賊盜其財物三稱觀世音菩薩
名号誦持此呪賊即慈心復道而去阿難當
知如此菩薩及是神呪畢定吉祥常能消伏
一切毒害真實不虛普施三界一切衆生令

無怖畏作大救護今世受樂後世生處見佛
聞法速得解脫此呪威神巍巍無量能令衆
生免地獄苦餓鬼苦畜生苦阿脩羅苦及八
難苦如水滅火永盡無餘阿難當知若有受
持觀世音菩薩名并持此呪獲大善利消伏
毒害今世後世不吉祥事永盡無餘持戒精
進念定摠持皆悉具足阿難當知若有聞此
六字章句救苦醫王無上神呪稱觀世音菩
薩大悲名字罪垢消除即於現身得見八十
億諸佛皆來授手為說大悲施無畏者功德
神力并六字章句以見佛故即得無忘旋陀
羅尼今時世尊而說偈言

大悲大名稱

吉祥安樂人

恒說吉祥句

救濟極苦者

衆生若聞名

離苦得解脫

亦遊戲地獄

大悲代受苦

或處畜生中

化作畜生形

教以大智慧

今發無上心

或處阿脩羅

輒言調伏心

今除憍慢習

疾至無爲岸

現身作餓鬼

手出香色乳

飢渴逼切者

施令得飽滿

大慈大悲心

遊戲於五道

恒以善集慧

無上勝方便

普教一切衆

令離生死苦

常得安樂處

到大涅槃岸

尔時世尊說是語已告阿難言是六字章句

畢定吉祥真實不虛若有聞者獲大善利得

無量功德說是語已王舍大城有一比丘名
優波斯那精進勇猛懃行難行苦行如救頭
燃在寒林中與無央數大衆圍遶自說往昔
作諸惡行殺生無量聞觀世音菩薩六字章
句正念思惟觀心心脉使想一處見觀世音
菩薩即得解脫成阿羅漢云何當得見觀世
音菩薩及十方佛若欲得見端身正心使心
不動心氣相續以左手置右手手上舉舌向腭
令息調勻使氣不麤不散安詳徐數從一至
十成就息念無分散意使氣不麤亦不外向
不澀不滑如嬰兒飲乳吸氣味之不青不白
調和得中從於心端四十脉下取一中脉令

氣從中安隱得至十四脉中從大脉出至於
舌下復從舌脉出至於舌端不青不白不黃
不黑如琉璃器正長八寸至於鼻端還入心
根令心明淨佛告諸比丘此大精進勇猛寶
幢六字章句消伏毒害大悲功德觀世音菩
薩以此數息心定力故如駛水流疾疾得見
觀世音菩薩及十方佛佛告諸比丘汝等善
聽欲服甘露無上法味若諸比丘已得出家
當自攝身不壞威儀端坐正受無外向意觀
於苦空無常敗壞不久磨滅修五門禪當自
觀身從頭至足一一節間皆令係念停住不
散諦觀衆節如芭蕉樹內外俱空當知色受

想行識亦復如是佛說是語時尊者舍利弗
在寒林中還坐樹下已解佛意端坐正受入
于三昧身真金色今無數人見者歡喜發菩
提心時優波斯那即從座起至尊者舍利弗
所頭面著地接足作禮白言尊者向者如來
讚歎數息以是因緣獲大善利云何數息唯
願尊者爲我解說眼眼識與色相應云何攝
任耳耳識與聲相應云何攝任鼻鼻識與香
相應云何攝任舌舌識與味相應云何攝任
意意識與攀緣相應云何攝任諸顛倒想與
顛倒相應云何攝任色聲香味觸與細滑相
應云何攝任而此識賊如猿猴走遊戲六根

遍緣諸法云何攝住時舍利弗告優波斯那
汝今當觀地大地無堅性水大水性不住風
大風性無礙從顛倒有火大火性不實假因
緣生色受想行識一一性相同於水火風等
皆悉入於如實之際時優波斯那聞是語已
身如水火得四大定通達五陰空無所有殺
諸結賊豁然意解得阿羅漢身中出火即自
碎身入般涅槃時舍利弗收其舍利於上起
塔已為佛作禮白佛言世尊佛說禪定第一
甘露無上法味若有服者身如琉璃毛孔見
佛觀無明行乃至老死一一性相皆悉不實如
空谷響如芭蕉無堅實如熱時炎如野馬行如

捷闔婆城如水上泡如幻如化如露如電一
一諦觀十二因緣成緣覺道或入寂定琉璃
三昧見佛無數發無上心修童真行住不退
轉佛告舍利弗如優波斯那聞我說是大悲章
句數息定法破無數億劫洞然之惡成阿羅
漢具戒定智解脫知見身出水火碎身滅度
令無數人發大善心舍利弗當知若善男子
善女人聞觀世音菩薩大悲名号及消伏毒
害六字章句數息係念淨行之法除無數劫
所造惡業破惡業障現見無量無邊諸佛聞
說妙法隨意無礙發三種清淨三菩提心若
有宿世罪業因緣及現所造極重惡行夢中

得見觀世音菩薩如大猛風吹於重雲皆悉
四散得離重罪惡業生諸佛前佛說是語已告
舍利弗我今為此受持觀世音菩薩名号消
伏毒害無上章句說偈讚歎

我勅提頭賴吒等

慈心擁護受持經

令聞大悲名号人

譬如天子法臣護

我勅海龍伊鉢羅

慈心擁護受持經

如護眼目愛已子

晝夜六時不遠離

我勅閻婆羅刹子

無數毒龍及龍女

慈心擁護持經者

如愛頂腦不敢觸

我勅毗留勒迦王

慈心擁護持經者

如母愛子心無厭

晝夜擁護行任俱

我勅難陀跋難陀
慈心擁護持經者
譬如諸天奉帝釋
猶如貧人護財寶
我勅一切諸鬼神
一切惡人惡口者
現身白癩膿血流
是故應當慈心護
地獄清淨如蓮華
後生佛前入三昧
普施一切大安樂
我從過去無數佛

娑伽羅王優波陀
恭敬供養接足禮
亦如孝子敬父母
如盲須眼及正導
小龍毒虵毒害獸
違逆此呪起不善
後墮地獄長夜苦
受持讀誦灌頂句
餓鬼破碎無八難
畢定當得不退轉
教諸衆生修十地
聞是消伏毒害呪

消除三障無諸惡

五眼具足成菩提

永與三界作父母

施其安樂得止息

若有聞我名号者

亦聞大悲觀世音

誦持此呪離諸惡

不墮地獄及畜生

蓮華化生為父母

心淨柔軟無塵垢

必聞無上大慧明

心定如地不可動

一切佛出世

明照如日月

身出大智光

如燒紫金山

三十二相中

流出八十好

譬如須弥山

映顯于大海

衆生聞名者

永離三惡道

得住無為處

常樂大涅槃

一切佛興世

安樂衆生故

異口各各身

端坐金剛座

口出五色光

蓮華葉形舌

讚歎大悲者

調御師子法

護世觀世音

畢定消毒害

淨於三毒根

成佛道無疑

尔時世尊說此偈已為受持觀世音菩薩名

者擁護此經故說灌頂吉祥陀羅尼呪

多姪咍

烏耽毗罽

兜毗罽

耽埤

波

邏 耽埤

捺吒

修捺吒

枳跋吒

牟

那耶

三摩耶

檀提

賦羅枳尸

婆羅

鳩卑

烏罽

攘瞿罽

縈呵

佛告舍利弗如此灌頂陀羅尼章句畢定吉

祥若有見聞受持讀誦破惡業障終不橫死

舍利弗白佛言世尊如此神呪大吉祥句普

施一切無所怖畏世尊往昔從何佛所得聞

此句唯願世尊分別解說使未來世普得聞
知獲大安樂勉離橫死刀杖毒藥水火盜賊
佛告舍利弗我從過去無量佛所得聞此句受
持讀誦即得超越八千萬劫生死之罪又念
過去八十萬劫有佛世尊名一切世間勝十
号具足彼佛世尊爲我演說如上章句我即
數息使心不散霍然意解消伏結使得無生
法忍住首楞嚴三昧若善男子善女人得聞
此經受持讀誦書寫解說即得超越無量無
數阿僧祇劫生死之罪消伏毒害不與禍對
佛說是語時五百長者子得無生法忍無數
人天發阿耨多羅三藐三菩提心舍利弗阿

難等白佛言世尊此觀佛三昧海請觀世音
菩薩消伏毒害陀羅尼所至到處一切吉祥
如梵天王衆所愛敬佛告阿難如是如是如
汝所說若善男子善女人得聞此經首題名
字常得見佛及諸菩薩具足善根生淨佛國
說此品時八十億天子天女及龍鬼神皆悉
歡喜發菩提心舍利弗阿難等聞佛所說禮
佛而退

請觀世音菩薩消伏毒害陀羅尼呪經

過

菟

奴反

侯

七反

蹉

渠反

飲

又反

渠

也

澀

字

挈

上加反

下

居反

居

反

閹

苦本反

哪

也

哪

音

耶

音

埤

步移反

姪

上徒

他

結反

流

志三

窠

窠二

鞞

音

蹬

音

登

一

呬 反 疋 比 澹 反 素 和 矧 反 詩 忍 跡 反 丘 尔 疾 痛 上 徒 聲 反 音 正

戮 音 六 辱 也 死 媯 反 奴 鳥 鷹 隼 上 於 陵 反 下 音 囚

圜 上 音 靈 下 音 獄 名 係 計 羶 反 詩 延 雌 反 斯 祢 反 乃 礼 隸

羸 帝 菘 郎 果 反 瓜 蝮 蠍 上 芳 伏 反 下 許 濡 舊 作 軟

墀 岸 鞅 正 作 脞 吾 各 反 口 啖 朔 駛 音 疾 也 豁 然

活 上 呼 攘 反 而 羊 霍 然 郭 反 呼 消 伏 毒 害 况 經 十

